




麟
角
集
附
錄





叢書集成
初編

主編者
王雲五

商務印書館發行



麟 角 集
附 錄



3 0649 7880 6

王 棨 著



本館叢書集成初編所選知不足齋叢書及天壤閣叢書皆收有此書知不足齋本文字譌奪天壤本多所校正故據以排印

祖源恭按乾隆朝欽定四庫全書總目提要。據浙江汪啟淑家藏本唐王棨麟角集一卷入錄。謂唐代取士科目至多。而所最重者惟進士。其程試詩賦。文苑英華所收至夥。然諸家或不載於本集中。如李商隱以霓裳羽衣曲詩及第。而玉溪生集無此詩。韓愈以明水賦及第。而其賦乃在外集是也。其自爲一集行世。得傳於今者。惟棨此編。凡律賦四十五篇。又棨八代孫宋著作郎頴於館閣得棨省試詩。錄附於集。凡二十一篇。又謂雖科舉之文。無關著述。而當時風氣。略見於斯。錄而存之。亦足備文章之一格也。是棨此集始錄程試之作。在唐人集中別爲一種。祖源既刻影宋慶元本黃御史集。因備論古今文字體格。至唐截然一變。爲文字中一大關鍵。而律賦格調一局。至唐之王棨。黃滔又截然一變。風氣之開。千百年來莫能移易。至科舉之文。雖非專家著作可比。然於此等處。益足見當時風氣之真。因亟擬得麟角集舊本與黃集合梓之。見子鶴棨從貴筑黃編修國瑾家。假得嘉慶中福鼎王氏麟後山房所刻南越先賢集內麟角集一卷。並宋王蘋所錄棨省試詩附焉。與四庫所收本同。前有陳恭甫編修序一首。稱王氏此刻。所據舊本。寄來繙閱。其補正脫譌。實較浙中鮑氏知不足齋刻本爲優。因并刻之。陳序又言有德清許氏所藏此集。繪棨小像者。或屬舊槧。他日續訪得之。可斟補也。至坊錄省題詩。鮑氏本正集卷首大題下夾注二行。當是原本舊注。爲王氏本所無。今更從之。光緒十年十一月分巡四川成縣等處兵備使者福山王祖源記。

王郎中傳

唐鄉貢進士黃璞撰

王榮字輔之。福唐人也。咸通二年。鄭侍郎讓下進士及第。試倒載干戈賦。天驥呈才詩。公詞賦清婉。託意奇巧。有江南春賦。末云。今日併爲天下春。無江南兮江北。又有詔遣軒轅先生歸舊山賦。及馬惜錦韉泥賦。尤美。公風姿雅茂。舉措端詳。時賢仰風。盛稱人瑞。成名歸覲。廉使杜公宣猷。請署團練巡官。景慕意深。將有瑤席之選。公辭以舊與同年陳郎中。輦有要約。就陳氏婚好。時益以誠信奇之。初就府薦。馮涯爲試官。三箭定天山賦。常意爲涯所知。欲顯滯遺。明設科第。以宋言爲解頭。公爲第二。皆毅夫中丞。尹京兆。怒涯不取旨。搗命收榜。扱破名第甲省。其年等第雖破。公道益彰。凡曾受品題。數年之間。及第殆盡。前今與論。莫不美馮公之善得其材。榮公之獲在其選。從事本府。乞假入關。尋又首捷。玉不去身賦。春水綠波詩。古公去邪論。李公駑時擅重名。自內翰林出爲江西觀察使。辟爲團練判官。自使下監察。赴調。復平判入等。授大理司直。未幾。除太常博士。入省爲水部郎中。公初上第。鄉人李顏。累舉進士。鬱有聲芳。贈公歌詩云。蓬瀛上客顏如玉。手探月窟如夜燭。笑顧姮娥玉兔言。謂折一枝情未足。時謂顏狀得其美。若有前知。公十九年內三捷。其於盛美。蓋七閩未之有也。不幸黃巢竊據京闕。朝士或歿或戮者。不可勝計。公旣遇離亂。不知所之。或云歸終於鄉里焉。

一云福清啟福院界北止王郎中墓。後山有薛承裕者生長此地。王郎中槩同年進士及第。先得德口官。入閩。承裕生長此地。遂寓桑梓焉。時以詞賦著稱。成名後。及平判入等。尋授雲陽尉。後除國子四門博士。病終。大略相同。蓋七閩之地。自歐陽詹。王槩爲之倡首。相繼登上第。遂盛於時云。

麟角集目錄

律賦四十五首

四皓從漢太子賦 涼風至賦

詔遣軒轅先生歸羅浮舊山賦

武關賦 闕里諸生望東封賦

一賦 義路賦

鳥求友聲賦 夢爲魚賦

綴珠爲燭賦 沈碑賦

迴鴈峯賦 延州獻白鵲賦

魚龍石賦 芙蓉峯賦

白雪樓賦 珠塵賦

耕弄田賦 燭籠子賦

三箭定天山賦 秋夜七里灘聞漁歌賦

貧賦 離人怨長夜賦

琉璃窗賦 曲江池賦

水城賦 聖人不貴難得之貨賦

吞刀吐火賦 手署三劍賜名臣賦

端午日獻尙書爲壽賦

元宗幸西涼府觀燈賦

江南春賦 神女不過灌壇賦

樵夫笑士不談王道賦

蠨螟巢蚊睫賦 耀德不觀兵賦

倒載干戈賦 握金鏡賦

黃鍾宮爲律本賦 松柏有心賦

跬步千里賦 牛羊勿踐行葦賦

多稼如雲賦 馬惜錦韉泥賦

盛德日新賦

補遺

沛父老留漢高祖賦

附陳黯送王棨序

附錄省題詩

天驥呈才

上德不德

農祥晨正

詠白

詠菊

詠清

月前菊

上巳日曲江錫宴羣臣

旬服耆舊望籍千畝

曉日禁林聞清漏

未明求衣

寒雨滴空階

山明松雪

元日端門肆赦

原隰萋綠柳

風中琴

文不加點

曲江春望

邊城曉角

三峽聞猿

寒梧棲鳳

麟角集

四倍從漢太子賦俱出山中共輔明德

唐水部郎中福唐王

夏黃綺季角里園公抗跡君臣之外潛身商洛之中高帝搜揚竟不歸于北闕儲皇搖動

漢之初也鳳輦情乖龍樓恩失將謀廢嫡以立庶欲易黃裳而元吉呂后憂深留侯計密且曰四人可致

一匡永逸泊安車奉迎之後當彤庭待宴之日森爾離立皤然閒出似八公而少半疑五老而無一高皇

問曰從者誰乎安得鶴髦斯衆霜髯與俱乃言曰臣等質同蒲柳景迫桑榆是商嶺臥雲之士皆秦朝避

難一作世之徒邦無道則隱邦有道則愚上曰自朕之興待賢而用顧朝廷之未治念先生之所共昔何遠

跡不爲率土之臣今乃辱身盡作承華之從對曰陛下掃蕩寰宇秦降楚平未有稱臣之意唯聞慢士之


名太子則卑謙守節柔順利貞理有承聖斯宜繼明臣等唯義所在非道不行雖蹈夷齊之潔更無伊呂

之情故得隨雞載之差肩向龍墀而接武星星于朝行之列濟濟于王人之伍帝曰空勞通客來撫藐爾

之孤可謝周人已有良哉之輔既而問安之位克定肥遁之心共還其來也鶴集丹陛其去也雲歸故山

懿夫出彼崑巒成茲羽翼一則免扶蘇之危一則祛獻公之惑誰知惠帝立而劉祚安乃採芝公之德

涼風至賦律製新秋蕭然遂起



龍火西流。涼風報秋。屆肅殺而金方氣勁。奪赫曦而朱夏威收。五夜潛生。聞桂枝而騷屑。千門溥至。覺玉宇以颼颼。于時北斗杓移。西郊禮畢。蔚收行少昊之令。夷則代林鐘之律。颯爾斯風。生乎是日。俄而撤鬱。蒸揚慄慄。滅庭草以芳靡。掠林梢而聲疾。繇是浙瀝晴景。浸淫暮天。起蘋葉而有準。應葭灰而罔倦。無近無遠。凄然凜然。倏搖曳於紅梁。潛催歸燕。乍離披於碧樹。漸息鳴蟬。然後掃蕩千山。蕭條萬里。飄爽氣以極目。厲秋聲而盈耳。恨添壯士。朝晴而易水寒生。愁殺騷人。落日而洞庭波起。但遠戍煙薄。遙村杵頻。磨玉蟾而月色初瑩。泛瑤瑟而商弦乍新。虛檻清冷。頗愜開襟之子。衡門淒緊。偏驚無褐之人。北牖閒眠。西園夜宴。紅蕖將碧蕙香減。珍簾與織絳色變。張翰庭前。暗度正憶鱸魚。班姬帳下。爰來已悲執扇。故得苦霧晨卷。蒸雲晝銷。望裏而林端嫋嫋。夢餘而窗外蕭蕭。悄絲管于上宮。陳娥翠斂。颺簷檻于華省。潘鬢霜凋。既而冷徧中原。陰生兌位。幾人離避暑之所。何處軫悲秋之思。雖令蛩響東壁。鴻辭邊地。又安得吹賦客而促征車。自是功名之未遂。

詔遣軒轅先生歸羅浮舊山賦以題中八字爲韻

帝以先生久駐長安。應思故山。新恩而綸綍云降。舊德而嵩巒許還。今朝北闕之前。已辭丹陛。幾日南溟之下。再啓元關。始者蒙穀一作谷。傳真羅浮隱耀。造恬澹之深域。達希夷之衆妙。來親玉輦。膺再禮于鶴書。去憶石樓。契初心于鳳詔。詔曰。朕聞軒后求其大隗。唐堯師乎務成。雖則臨治。皆思養生。是以深殿延佇。安車遠迎。久處彤闈。恐鬱池魚之性。永懷碧洞。難忘雲鳥之情。乃曰。陛下頃辱英明。旁求固陋。既容出入。

于仙禁。復許旋歸于一作海岫。常慚羽服。相逢而道異。君臣益荷鴻私。欲別而情深。故舊于是馨風。馭奮電衣。千年之靈鶴將去。一片之閒雲欲飛。有異二疎。出都門而惜別。甯同四皓。指商嶺而言歸。持青蘂兮藥使旁隨。執絳節兮橘僮先遣。道尊而不顧名位。德重而如加黻冕。當九重之宮裏。思山之意則深。及萬里之途中。戀闕之誠不淺。既臻蘿洞。乃闢松軒。別後而嵐光未老。來時之春色猶存。白鹿經牛。卻放煙霞之境。玉芝瑤草。終承雨露之恩。懿夫來協皇情。去全真趣。于秦無徐市之感。在漢免文成之誤。臣知其史筆已書。故聊詳于斯賦。

武關賦海內無事重關不修

路入商山。中橫武關。呀重門之固護。屹峭壁以孱顏。昔在危時。屯千夫而莫守。今當聖日。致一作一卒以長閒。觀乎地勢爭雄。山形互對。西連蜀漢之險。北接崑函之塞。鏖百二都。縣幾千代。一作世亂則阨限區宇。時清乃通同一作。外內想一作。其六國連謀。關防日修。則斯地也。雲屯貔虎。雪耀戈矛。一作張儀出以行詐。懷王入而竟留。縱下客之雞鳴。將開莫可。任公孫之馬白。欲度無由。洎夫一作塵起九州。波搖四海。秦鹿失而襟帶難保。漢龍興而山河詎一作。改豈料禦衝之所。此日全平。未知擊柝之徒。當時安在。所謂以兵而備之一作。莫之能守。以道而居者。無得而踰。千里之金城湯池。終爲漢有。二世之士崩魚爛。自是秦無。今則要害何虞。隆平已久。雖設險而如在。一云雖設險。顧戒嚴而則不。蕭條故一作。豈臧文之廢來。歷漢一作。空扉似楊僕之移後。斯蓋一作。文脩武偃。國泰時雍。濬四溟而作壑。廓八極以爲壖。遂使鼙鼓

無喧。一水之秋。一作寒。聲泱泱。旌旗常卷。千巖之暮色。重重嗟夫。一作乎。昔謂洪樞。今成隙地。信無外以斯見。實善閉之猶至。一云實善閉之攸致。儒有經其所。感其事。乃曰。今朝西去。苟一作豈。無隨老氏之人。他日東來。一作還。誰是識終童之吏。

闕里諸生望東封賦聖德光被入思告誠

魯國諸生欣逢聖明。咸西嚮以迎睇。望東封而勒誠。習禮空勞。日日而徒瞻。嶽色凝旒。何處年年而尙鬱。人情豈不以兵偃三邊。塵清萬里。欲行登禪之事。猶執勞謙之德。是使想黃屋以心傾。歛青襟而目極。乃相謂曰。自古帝王功成業昌。盡皆增博。厚報穹蒼。所以山呈瑞應。水出榮光。國泰財阜。時豐俗康。固合陳俎豆。捧珪璋。高踐天壇之上。遙昇日觀之傍。而乃闕其儀。寢其議。蓋九重之鳳詔缺敷。四海之鴻恩未被。空令漢史。願陪檢玉之行。更切孔徒。渴見泥金之事。莫不引領延佇。凝情盡思。未遂相如之請。空吟叔寶之詩。夫子壇邊。恐雲龍之會晚。顏生巷裏。憂日月以來遲。況可後示百王。前觀萬姓。三千徒兮。今日斯懸。七十君兮。當時稱盛。潛期山下。得聞萬歲之呼。每想封中。獲仰千年之聖。嗟夫。迹居洙泗。魂斷咸秦。俟南面之鸞駕。問西來之路人。當河清海晏之時。宜遵古典。是率土普天之幸。豈但素臣。近雖下國。梟鳴邊夷。鼠盜既有征而無戰。盡摧兇而剪暴。宜允儒者之心。登泰山而昭告。

一賦爲文首出得數之先

昔庖氏爲君。斯文始分。畫封而初成陽位。造書而肇見人文。豈非本自道生。終云神得。俾大衍以虛數。從

黃鐘而立則君子守以制性。聖人抱而臨極。然後彤弓是錫。天王嘉重耳之勳。簞食見稱。夫子美顏回之德。萬物生焉。惟茲處先。況乃聞而知十。用以當千。名立兮卓爾。形標兮子然。許子之瓢既棄。陳公之榻猶懸。或有錢囊譏世。芻束稱賢。改其月而爲正月。號其年而曰元年。若夫李陵呼時。荆軻去日。歌興三歎。唱智慚百慮之失。爲山用簣。魯論之義足徵。載鬼以車。周易之文斯出。借如寒暑相推。薰蕕可知。鸚百鳥而匪一作。四龍三人而共爲。儉德彌彰。平仲之衆。裘安在。仁心遠播。成湯之三網。猶施。既聞興國之言。亦有傾城之願。措詞雖屈於子夏。重諾常推於季路。天得地得。膺千年出聖之期。彼時此時。叶四海爲家之數。瑟琴專矣。車書混之。分杯羹而孰忍。縫尺布以堪悲。雖云管仲能匡。因成霸業。未若蕭何如畫。永作邦基。是知王居四大之初。日貫三光之首。目所加而可取。毛不拔而何有。愚則立節無二。干時不偶。幸麟角以成功。庶桂枝而在手。

義路賦有君子得行斯路

義則本在路。猶強名。雖無有而爲有。亦時行而則行。人或未知。謂投足以山險。心如能制。信在躬而砥平。既絕回邪。無差正直。居則思之而可見。忽爾覓之而安得。默識終始。潛名南北。昧其所在。迷吾道之康莊。能此是敦。造先王之闡闕。然而視之者不爲好徑。赴之者豈曰多歧。邁德而謂其達矣。立身而何莫由斯。聖人每脩。孰慮乎崩榛所塞。君子常喻。寧求其老馬能知。稽夫近遠甚夷。往來無苟。周朝之柱史奚棄。鄙國之貞妻自守。旁生行葉。於列樹以甯殊。中引德車。在摧輪而何有。莫不互深仁宅。遙通禮園。匪豺狼之

所到唯干櫓以斯存。若乃循其軌，游其藩。有如入顏巷之中，恬然自樂。復似經桃蹊之上，寂爾無言。可以導彼深誠，臻乎奧旨。相逢盡重氣之士，相讓皆含生之子。徘徊其側，多感分以遺身。馳騫於中，必先人而後已。厥大斯著，其高或聞。異邪途之徑捷，與左道以歧分。五霸三王，既適此以圖業。忠臣烈士，亦從茲而報君。夫如是，則踈跂所爲，坦夷斯喻。於以闢百家之蔽塞，於以洞五帝之旨趣。悲夫，衝蒙行險之徒，曷不遵乎此路。

鳥求友聲賦 人自得求友聲之道

日暖風輕，有黃鳥兮。關關嚶嚶，始乘春而出自幽谷。俄擇木而求其友聲，尙沮羣猜。每念載鳴之侶，方期類聚。詎無相應之情。於時紅破園桃，青勻禁柳。韶光媚原野之始，宿雨霽池塘之後。由是睨睨遷喬，棲翔寡友。潛符切切之義，爰發嚶嚶之口。林閒乍囀，誠謂乎知音可期。陌上頻啼，似恨其離羣已久。既而雅叶交應，如懷故人。得鸚鵡之流言不信，見靈鳥而白首如新。灌木煙中，念友朋而有待。楊園景裏，豈鳩集之無因。鳴毫旣殊，攀稀靡異。猶徵角之先奏，俟宮商之有自。遂使夕陽橋畔，人人增感別之愁。曉色樓前，處處動傷春之思。族類安在，閒關未休。想王雎兮，從吾所好。知斥鷃兮，爲我何求。豈比蜀魄銜冤，啼巴月於深夜。燕鴻失侶，叫邊雲於凜秋。懿夫，隔霧彌幽，含風轉好。似宏三益之旨，足驚寡聞之抱。想伊鳥也，猶推故舊之心。矧乃人斯，忍棄朋友之道。取則寧遠，流音在茲。爾苟嚶鳴而占矣，吾將德義而一作求之。雖慕惠莊，願定交于他日。如令管鮑，得擅美于當時。夫如是，則結綬何慚，彈冠不惑。伐木將廢而莫可，谷風欲

刺而安得已乎。勿謂斯鳥之聲至微而忘其是則。

夢爲魚賦故知人生不似魚樂

梁世子以體道安居。逍遙有餘。宴息而魂交成夢。分明而身化爲魚。恍若有忘。願物我以何異。悠然而逝。失形骸之所如其初也。漏滴寒城。月籠涼牖。悄爾人靜。溘焉夜久。于銀屏旣設之所。是角枕已歆之後。遽因神遇。能游之質斯成。漸覺形遷。相望之心曷不。是則彷彿川闊。依稀浪輕。始訝沈浮而在此。俄驚鬢鬢以俱生。恍兮惚兮。豈悟益刀之兆。今夕何夕。空懷畏網之情。由是涵泳無疑。喚喁未已。值良夜之寂寂。泝清波之唯唯。腹上之松俯暎。在藻雖殊。懷中之日旁明。銜珠稍似。旣掉頰尾。還張紫鱗。維熊維熊而自遠。有鱣有鮪以相親。沙際禽去。汀旁草春。遇周公而疑爲釣叟。逢傅說而謂是漁人。於時砌竹無風。庭梧有露。旣異爲雲之事。空驚微雨之故。翻成浪迹。全忘枕上之身。卻憶浮生。寧異遼東之趣。其夢也。何樂如之。其覺也。何愁若斯。復是魚由我變。抑當我本魚爲。莊生化蝶之言。昔時未信。公子爲烏之驗。今日方知。悲夫。何事遽然。欲思咸若。良由塵世之多故。難及深淵之或躍。人兮不因一夢之中。豈信濠梁之樂。

綴珠爲燭賦有光照夕深宮朗然

碧雲初合兮。金烏已藏。深宮欲暝兮。歡娛未央。因綴明珠之彩。將爲列燭之光。出寶篋以規圖。呈姿璀璨。入雕籠而豔發。委照熒煌。當其竹箭迎昏。蘭林向夕。司烜氏卻朱火之耀。守藏吏進驪龍之魄。然後縈縷花抱。籠紗霧隔。亦猶燎紅蠟而蒸靈麻。可得燒椒房而煥瑤席。風來不動。疑四座之清輝。夜久逾明。貯一

堂之虛白。由是價掩聯瑤。形疑列錢。誠非其人。火曰火。可謂乎自然。而然。本自一作蚌胎。翻爲龍銜于玉宇。從離蛇口。幾驚蛾拂于瓊筵。觀其布質闌干。含輝晃朗。分持而清夜星列。迴舉而寒軒月上。纒纒交映。曾無見跋之嫌。爛爛相鮮。誰起偷光之想。莫不揚彩金屋。增華桂宮。逼蓮幕以煙綠。逗花布而餞紅。欄檻如曉。杯盤若融。孕美於瑤璃窗裏。淪精于雲母屏中。足以名擅夜光。功參庭燎。妍醜無隱。毫芒必照。故得結綠懸黎之寶。不敢稱珍。龍膏豹髓之燈。于焉寢耀。且飾履者于義。尤侈爲簾者其功未深。曷如傲一作此圓潔。資乎照臨。遂使或怨長宵。得縱秉游之樂。有居幽室。不生欺暗之心。雖則魚目難儔。金釭非偶。終罹好寶之誚。不免窮奢之咎。一作燭兮燭兮。儒執智而以一作爲之。視隨侯而何有。

沈碑賦陵谷久選名績終在

元凱立功。銘其始終。欲播美於萬年之後。乃沈碑于一水之中。剖彼貞姿。餘烈必期于一作不朽。藏斯濬壑。垂名庶及于無窮。豈不樹佐晉之洪勳。立吞吳之巨績。思後世以不顯。俾中心而是惕。將紀乎竹帛。時移則令聞應亡。若銘以盤盂。代異而嘉聲恐寂。然則千古無壞。雙碑可憑。博約之詞既著。雕篆之功亦興。有美皆述。無勞不稱。一則置彼高山。謂高陵爲谷。一則投茲深水。憚深谷爲陵。且言曰。水以柔而虛受。石以堅而可久。雖此隱而彼見。彼若泉而此阜。不知我者笑淪棄于目前。庶知我焉。諒昭彰於身後。既而憑岸爰舉。臨川載傾。逆洪漣而星落。殷白浪以雷聲。始觀其文。徒謂憂于沒齒。終窺其理。方知叶于流名。由是影動深泉。響連通谷。莫不響波神駭。水族靈龜將負以股戰。陽侯既覽而心服。盡驚是日。誤墮淚于斯。

源。卻想他時。閱色絲于誰目。至今五百餘年。英聲自傳。沔水之恩波尙遠。峴山之嵐翠猶鮮。但覺潭邊春盡。而遺芳不歇。更憐川上時移。而茂躅難遷。然則伊尹之作阿衡。姬公之爲太宰。邁古之芳猷克著。迄今而英風未改。是知事若美于一時。語自流乎千載。亦何必矜盛烈。沈豐碑。欲功名之長在。

迴雁峯賦 色時晴空迴翔此際

衡嶽雲開。見一峯兮。秀出崔嵬。彼羣雁以遙羣。抵重巒而盡迴。豈非漸木有程。宜從茲而北嚮。隨陽旣遠。不過此以南來。觀夫蒼翠遐標。嶽峯孤峙。輕嵐侵碧落之色。斜影染晴江之水。彼則俟時而動。渺塞外以爰來。此惟無得而踰。望岳前而載止。拂此穹崇。歸心忽同。遇瀑布而如驚飛。斂映垂藤而若避虛弓。絕頂千仞。懸崖半空。遙觀增逝之姿。似隨風退。潛究知還之意。不爲途窮。蓋以應候無差。來賓有則。歛飄飄之雲翰。阻崑崙之黛色。亦猶鷓鴣踰清濟以無因。何異鷓鴣渡澄江而不得。于時洞庭木落。雲夢霜晴。肅肅方臨于鳥道。嚙嚙俄背于猿聲。稍類乎王子乘舟。已盡山陰之興。曾參命駕。因聞勝母之名。若夫壁立天南。屏開空際。信紫閣以難匹。何香爐之可媲。徒見其似恨山壑。如悲迢遞。遽旋遵渚之心。倏別參雲之勢。殊不知識其分而不越。守其心而有常。若戢藻以咀菱。可居彭蠡。若浮深而越廣。自有瀟湘。志在養毛羽。遠雪霜。何集九疑而棲息。歷五嶺以翱翔。大鵬聞而笑之曰。予北海而來。南溟是徙。高飛而萬里倏忽。下視而千峯邈迤。嗟乎。銜蘆遠溟之羣。年年至此。

延州獻白鵲賦 聖德遐及靈禽表祥

我后君臨九有。仁被諸華。伊炳靈之白鵲。倏效祉于皇家。變爾羽毛。以表恩沾于飛走。生乎遊鄙。是彰澤及于幽遐。始其決起春巢。輕翻素翼。不類雕陵之異狀。自受金方之正色。封人既獲。羅氏潛滋。且曰昔聞興詠于召南。今見呈祥於塞北。斯乃發天慶。昭皇德。望雲將獻。鶴歸齊使之龍。拜表初行。雉別越裳之國。既而臻鳳闕。進彤庭。粉煥成橋之羽。霜凝化印之形。爰稽瑞牒。克叶祥經。異丹雀之呈質。同素鳥之效靈。帝嘉其賁然來思。一作斯來。嚼爾難及。俾遂性以飲啄。顧無羣而翕習。由是繞樹星飛。依枝玉立。乍捕蟬于上苑。不羨鷺遷。或報喜于丹墀。何慚鳳集。故能彩迴羣類。名超百祥。播休徵于有截。昭聖祚之無疆。月下南飛。過銀河而混色。風前東嚮。映瓊樹以增光。若乃潛下庭隅。遠分林表。迷彼鳥之嚶嚶。奪爾駒之皎皎。狼生殷代。誠福應之未如。魚躍舟中。諒貞符之尙小。曾未若影度籬曙。聲來殿深。美掩條支之獻。珍逾隴坻之禽。昔在遐方。玉每抵于崑岫。今以至德。巢可窺于禁林。是知斯鵲來儀。惟天瑞聖。俾爾羽之潔朗。彰我時之清淨。臣聞雁有歌而雉有詩。又安得不形于贊詠。

魚龍石賦 一川中石無不似之

隴山下。汧水中。有石類魚龍之狀。成形匪追琢之功。半隱齋淪。若險囑而斯在。餘依磧礫。將蟠墊以攸同。嘉夫地出貞姿。天成詭質。雖騎鯨之勢可類。而跳獸之規莫匹。厥象有二。其堅惟一。水深見處。如欣得水之秋。雲起觸時。稍叶召雲之日。豈非自從凝結。有此規模。既異織女。還非望夫。或似罷江湖之游泳。又如收雲雨之虛無。徒使漁人川上。而幾迴顧盼。仍令象氏路旁。而終日踟躕。蓋以磊磊漸分。磷磷酷似。溜穿

而煦沫無別。苦駁而成章可擬。曾經飲羽。若銜索以斯存。或用紀功。疑負圖而載止。由是密聚鱗次。孤標介然。設賴尾于五色。認胡髯於一拳。初驚瀨祭于地。復謂劍化于川。視岸草以旁生。不殊在藻。遇春流而乍沒。又若潛淵。既將轉而一作揚鬢。亦因泐而無首。比岫居而苟可。於泥蟠兮曷不。中猶蘊玉。尙含呂望之璜。誰取支機。已在葉公之廡。造化難知。雕鑄者誰。何莓苔之古色。有麟鬣之奇姿。謂湘水之慈且殊。甯俟飛也。與金華之羊自別。何勞叱之。既表元功。永存靈蹟。映一水之晴綠。對羣峯之暮碧。彼結綉垂綸之士。與攀髯採珠之客。或命駕而西遊。試迴眸于此石。

芙蓉峯賦峯勢孤異前望似之

疊翠重重。數千仞兮。峭若芙蓉。非華嶽之高掌。是衡山之一峯。朝日耀而增鮮。嵐光欲折。秋風擊而不落。秀色常濃。懿乎巖若削成。端然傑起。雖千尋之直上。猶一朵之孤峙。聳碧空而出水。無別倚斜。漢而凌波。酷似吐榮發秀。非因沼沚之中。固蒔深根。已在乾坤之裏。徒觀夫壁立莖直。霞臨彩鮮。上下邈迤。而九疑失翠。傍側參差。而五嶺迷煙。秋夜彌高。宛在金波之側。晴光半露。遙當玉葉之前。來吐江南。如開空際。高低闌紫蓋之色。向背異香爐之勢。劍雖合質。匪三尺之微茫。石縱同規。殊一拳之瓌細。況乎高列五嶽。光留四時。名芳熊耳。影秀蛾眉。然而只可登也。誠難採之。幾處樓中。送目有池塘之景。誰家林表。凝情忘草樹之姿。帳號既同。冠形亦一作無。異對夏雲而競峭。映花巖而增媚。遂使娥皇曉望。潛憐覆水之規。虞帝南巡。暗起涉江之思。由是楚澤陰遠。湘流影孤。挺煙蘿之葱翠。寫菡萏之形模。本不崩而不燹。誰人欲拔。若

無冬而無夏。何代能枯。予嘗迴野遙分。晴天遠望。見國風隰有之體。嘉離騷木末之狀。乃曰亦可以獻君王之壽。助山河之壯。夸娥二子。胡不移來。與蓮峯而相向。

白雪樓賦樓起碧空名標雅曲

余嘗自雍南游。經過郢州。此地曾歌乎白雪。後人因剏其朱樓。觀夫迢迢山峙。奕奕雲浮。屹臨江岸之旁。將其麗曲。傑起郡城之上。得以銷憂。是何棟觸晴霞。簷侵虛碧。旁瞻目盡于千里。俯瞰心懸于百尺。何年結構。取宏制于庾公。此日登臨。仰嘉名于郢客。其爲狀也。巖嵒隆崇。攢煙遏空。勢聳晴蜃。梁橫曉虹。偉殊規之罕及。猶清唱之難同。試問鄒生。豈似梁王之館。如延孟子。何慚齊國之宮。莫不高與調侔。妙將蘭比。籠輕霧以轉麗。帶微霜而增美。浮雲齊處。疊櫺檻之幾重。明月照時。引笙歌而四起。斯則虛涼無匹。顯敵難名。天未秋而氣爽。景當夏以寒生。風觸焚楣。髣髴雜幽蘭之響。煙分井邑。依微聞下里之聲。且樓之爲號也。有翠有紅。或瓊或玉。豈若表此名地。彰斯妙曲。況復楚山入座。黛千點而暮青。漢水橫簾。帶一條而春綠。亦足以任一作認。彼清暢。憑茲麗譙。掩露臺之高峙。軼煙閣之孤標。似繼餘聲。謝朓閒吟于暇日。疑遺妙響。劉琨長嘯于清宵。有旨哉。每見岩嶢。如聞宛雅。覽宏模之特秀。知屬和之彌寡。人或誇黃鶴。奇落星。予云俱弗如也。

珠塵賦輕細若塵風來遂起

丹海之濱。青珠似塵。蓋輕細以無滯。遂飛揚而有因。或煦或吹。自得霏微之象。乍明乍滅。誰分圓潔之眞。

稽夫始自水涯。俄從風起。縈空而耀耀。奚匹散彩而冥冥。相似。又云。來或鳥銜。積如丘峙。半穿圓隙。影寒于雲母屏中。或委空牀。光亂于水晶簾裏。徒觀夫的。礫晶熒。星流雪輕。集素衣而不垢。侵曉鐘以逾明。落淵客之盤。驚炫耀以同色。撲江妃之珮。訝依微而有聲。至如琪樹春歸。玉樓景霽。揉瓊葉以光碎。浮瑣窗而影細。闌干輕舉。同羅幃之生時。璀璨斜流。有歌梁之下勢。由是散亂清景。光芒碧空。昔隱耀於泥沙之地。今揚輝乎掘堞之風。不逐軒車之後。不在京洛之中。雨過而光騰。鮫室扇迴而影動。龍宮如是。則可用增山。難將彈雀。惹晴葉以垂樹。閒游絲而綴宿。自南自北。低瑤席以紛然。匪疾匪徐。拂璇題而炯若。況海日方盡。陰飈乍迴。與白駒而競起。將野馬以俱來。魏國飛時。頓失照車之體。陳王望處。全無疑樹之猜。懿夫朗潔難逾。飛騰自遂。非罔象之見索。異無脛而斯至。或曰。泰山猶不讓微塵。況是珠璣之類。

耕弄田賦宮爲田勸率耕事

漢昭帝之御乾。時猶眇年。能首率于農務。遂躬耕乎弄田。理叶生知。蚤識邦家之本。事殊兒戲。斯爲教化之先。當其天駟既端。土膏初起。命開鉤盾之側。將幸上林之裏。有司于是。整溝塍。修耒耜。別置膏腴之所。取法百廩。旁觀醜醜之間。如方千里。帝乃駕雕輦。出深宮。展三推而不異。籍千畝以攸同。且曰。朕位極元首。身慚幼沖。每訪皇王之業。無先播殖之功。未遂躬親于彼神皋之內。聊將樹藝於茲禁苑之中。然後俯天顏。擁農器。向畎澮以懋力。對鋤耰而多思。豈無宴樂。不如敬順于天時。亦有游畋。莫若勤勞於農事。是則非同學稼。粗表親耕。既留心於東作。甯無望於西成。環衛近臣。盡起西疇之興。宮闈侍女。微生南畝之

情于時稼政既修。稻人是率。千牛之列有序。九扈之官咸秩。神農舊務。嘗廢于他年。后稷餘風。復興于此。日嘉夫戲。或是戲爲勝不爲審。殷阜之由此。知艱難之在斯。自昔庸君。多昧三時之務。惟茲少主。能分五地之宜。故得教化下敷。皇猷上建。人忘荷鍤之苦。俗靡有一作帶牛之願。因知翦桐葉以命封。未若畊斯田而天下勸。

燭籠子賦

器假人舉。名因燭影。顧虛薄以中朗。亦輝華而外揚。銀燄始然。俟提攜而就列。香塵久暗。希拂拭以增光。懿夫煥爛潛融。周旋宥密。含明而每讓清晝。處晦而甯欺暗室。由是常患影孤。終期勢出。倘明時而不用。在手何年。或薄質以見知。升堂有日。觀乎表裏無隱。方圓可分。亦猶春晝而花藏。穀霧。秋宵而月在。羅雲。照環堵之中。雖孤潔以由己。置瓊筵之上。實高低而在君。矧其稟量既宏。爲功亦倍。韜光之義可見。內熱之情斯在。今則抱影求真。虛心有待。若此許設于高明。亦願發其光彩。

三箭定天山賦遺仗皇威大降番騎

醜虜侵塞。將軍耀威。弓一彎而天山未定。箭三發而鐵勒知歸。驍騎來時。疊利鏃以連中。宮人祭處。收黃塵而不飛。始夫寇犯朔方。檄傳邊壤。高宗乃將鉞斯授。仁貴而君恩是仗。初持漢節。鷹揚貔虎之威。爰臂燕弧。肉視豺狼之黨。軍壓亭障。營臨塞垣。九姓猶憑其桀。六鈞亦昧于戎番。旣而胡兵鳥集。賊騎雲屯。將軍于是勇氣潛發。雄心自論。拈白羽以初抽。手中雪耀。攀雕鞍而乍逐。積裏星奔。由是控彼烏號。伸茲

猿臂軍前而弦開邊月。空際而憐鳴朔吹。聲穿勁甲。俄驚一作膽于千夫。血染平沙。已僵屍于一騎。斯一箭之中也。尙猖狂而背義。是用再調弓矢。重出磨礮。耀英武于非類。昭雄稜于異邦。赤羽遠開。騁神機而未已。胡雛又斃。驚絕藝以無雙。斯二箭之中也。猶憑凌而未降。且曰志以安邊。誓將去害。苟犬羊之衆。斯舍。則衛霍之功不大。又流鏑以直飛。復應弦而狼狽。斯三箭之中也。遂定七戎之外。昔在秦漢。嘗開土疆。或勞師于征討。徒耀武以一作張皇。未若彎弧手妙于主皮。大降虜衆。騁伎心同於掩月。遂靜沙場。故得元化覃幽。皇風被遠。烏嶺之烽已息。靈臺之伯斯偃。然知魯連雖下于聊城。豈定窮荒之絕燼。

秋夜七里灘聞漁歌賦明月白露光陰往來

七里灘急。三秋夜清。泊桂楫于南一作岸。聞漁歌之數聲。臨風斷續。隔水分明。初擊楫以興詞。人人駭耳。既鱸舟而度曲。處處含情。衆籟微收。濃煙乍歇。屏開兩面之鏡。璧碎中流之月。逃名浪跡。始蕩槳以徐來。咀徵含商。俄扣絃而迴發。一水喧豨。旁連釣臺。羣鳥皆息。孤猿罷哀。激浪不停。高唱而時時過去。涼颼暗起。清音而一一吹來。潺潺兮跳波激射。歷歷兮新聲不隔。初聞而彌覺神清。再聽而惟一作憂鬢白。遠而察也。調且異于吳歌。近以觀之人。又非其郢客。杳鼻悠揚。深山夜長。殊採菱于鏡水。同鼓枻于滄浪。泛濫扁舟。逸興無慚于范蠡。沈浮芳餌。高情不減于嚴光。況其岸簇千艘。巖森萬樹。湍奔似雪之浪。衣裊如珠之露。寂凝思以側聆。悄無言而相顧。此時游子。只添歧路之愁。何處逸人。頓起江湖之趣。由是寥亮清潯。良宵漸深。引鄉淚於天末。動離魂于水陰。究彼嘖喉。似感無爲之化。察其鼓腹。因知樂業之心。既而暗卷。

織綸潛收密網。灘頭而猶唱殘曲。水際而尙聞餘響。漁人歌罷。今天已明。挂輕帆而俱往。

貧賦 安貧樂道情旨逸然

有宏節先生。棲遲上京。每入樵蘇之給。長甘藜藿之羹。或載馱以載飢。未忘挫念。雖無衣而無褐。終自怡情。其居也。滿榻凝塵。侵階碧草。衡門度日以常掩。環堵終年而不掃。荒涼三徑。重開蔣詡之蹤。寂寞一瓢。深味顏回之道。則有溫足公子。繁華少年。共造繩樞之所。相延甕牖之前。但見其緼袍露肘。曲突沈煙。儻不粒而一作愁坐。馬無芻而困眠。俱曰。先生跡似萍泛。家如罄懸。且何道而自若。復何心而宴然。先生曰。子不聞蜀郡長卿。漢朝東郭。器雖滌以無愧。履任穿而自樂。斯蓋以順理居常。冥心處約。當年而雖則羈旅。終歲而曾無隕穫。二而字一本無又不聞前唯曾子。後有袁安。或蒸藜而取飽。或臥雪以忘寒。斯亦性善居易。情無怨難。不汲汲以苟進。豈孜孜而妄干。盡能一榮枯。齊得失。願終窶以非病。縱屢空而何恤。是以原憲匡坐而不憂。啓期行歌而自逸。況乎否窮則泰。屈久則伸。負薪者榮于漢。鬻畚者相于秦。更聞楊素之言。未能圖富。苟有陳平之美。安得常貧。矍然二子。相顧而起。乃曰。幸承達者之論。深見賢哉之旨。而今而後。方知君子固窮。小人窮斯濫矣。

離人怨長夜賦 別思方深。寒宵苦永

離思難任。長良一作宵且深。坐感夫君之別。誰憐此夜之心。念雲雨以初分。何時促膝。俯衾裯而起怨。幾度沾襟。始其歌罷東門。袂揮南浦。征車去兮塵漸遠。匹馬歸兮情自苦。閒庭已暝。對一點之凝釭。別酒初醒。

聞滿簷之寒雨。且夕也悄悄何長。悠悠未央。向銀屏而寡趣。撫角枕以增傷。蓋以緬行役兮路千里。邈音塵兮天一方。我展轉以空牀。固難成夢。君盤桓于旅館。豈易爲腸。由是觸目生悲。迴身弔影。雲積陰而月暗。鳥深棲而樹靜。凝情漸久。訝古寺之鐘遲。會面猶賒。奈嚴城之漏永。于時增滴飄冷。窗風送寒。徒抱分襟之恨。全忘秉燭之歡。遠林而未有烏啼。偏嫌耿耿。幽壁而徒聞蛩響。頓覺漫漫。嗟夫。昔每同袍。今成兩地。既視物以遐想。復支頤而不寐。鄰機尙織。重增蘇氏之懷。詞客猶吟。更動江生之思。況乎燕宋程遠。關山道遙。怨復怨兮斯別。長莫長乎此宵。使人元髮潛變。紅顏暗彫。杳嚮晨而若歲。嗟達旦以無聊。且夫名利猶存。津梁未絕。苟四方之志斯在。則五夜之情徒切。然哉吾生。既異于匏瓜。又安得不傷乎離別。

瑠璃窗賦口燥煙融如無礙隔

彼窗牖之麗者。有瑠璃之製焉。洞徹而光凝秋水。虛明而色混晴煙。皓月斜臨。陸機之毛髮寒矣。鮮鱗如透。滿奮之神容凜然。始夫剋奇寶之新規。易疎寮之舊作。龍鱗不足專其瑩。蟬翼安能擬其薄。若乃孕美澄凝。淪精灼燦。棟宇廓以冰耀。房櫺炯其電落。深窺公子。中眠雲母之屏。洞見佳人。外卷水精之箔。表裏玲瓏。霜殘露融。列遠軸以秋綠。入輕霞而晚紅。滿榻琴書。杳若冰壺之內。盈庭花木。依然瓊一作瑤鏡之中。故得繡戶增光。綺堂生白。覩懸蟲之舊所。疑素蟻之新魄。碧雞毛羽。微微而霧縠旁籠。玉女容華。隱隱而銀河中隔。幾誤梁燕。遙分隙駒。比曲欄而頓別。想圭竇以終殊。迴以視之。雖皎潔兮斯在。遠而望也。則依稀而若無。由是蠅泊如懸。蟲飛無礙。光寒而珠燭相通。影動而瓊英俯對。不羨石崇之館。樹列珊瑚。豈慚

韓媽之家。牀施玳瑁。如是價重璣闔。名珍綺疏。徹紗帷而晃朗。連角簾而清虛。倘徵其形。王母之宮可匹。若語其巧。大秦之璧焉如。然而國以奢亡。位由侈失。帝幸爲象箸于前代。令尹惜玉纓于往日。其人可數。其類非一。何用崇瑰寶兮極精奇。置斯窗于宮室。

曲江池賦城中人日同集池上

帝里佳境。咸京舊池。遠取曲江之號。近伴靈沼之規。東城之瑞日初昇。深涵氣象。南苑之光風纔起。先動淪漪。其地則複道東馳。高亭北立。旁吞杏圃。以香滿前。噴雲樓而影入。嘉樹環繞。珍禽霧集。陽和稍近年。而春色先來。追賞偏多。處處之物華難及。只如二月初晨。沿堤草新。鷺囀而殘風裊霧。魚躍而圓波蕩春。是何玉勒金策。雕軒繡輪。合合沓沓。殷殷鱗鱗。翠互千家之幄。香凝數里之塵。公子王孫。不羨蘭亭之會。蛾眉蟬鬢。遙疑洛浦之人。是日也。天子降鑾輿。停彩仗。呈九劍之雜伎。聞咸韶之妙唱。帝澤旁流。皇風曲暢。固知軒后。徒游赤水之湄。何必穆王。遠宴瑤臺。一作池之上。復若九月新晴。西風滿城。于時嫩菊金色。深泉鏡清。浮北闕以光定。寫南山而翠橫。有日影雲影。有鳧聲雁聲。懷北一作。海以欲垂釣。望金門而思濯纓。或策蹇以長愁。臨川自歎。或揚鞭而半醉。繞岸閒行。是日也。罇俎羅星。簪裾比櫛。云重陽之賜宴。願多士以咸秩。上延良輔。如臨鳳沼之時。旁列羣公。異在龍山之日。若夫冬則祁寒裂地。夏則晨景燒空。恨良時之共隔。惜幽致以誰同。一作徒。見其冰連岸白。蓮照沙紅。蒹葭兮葉葉凝雪。楊柳兮枝枝帶風。豈無昆明。而在乎畿內。豈無太液。而在乎宮中。一則但畜龜龍之瑞。一則猶傳戰伐之功。曷若輪蹄輻輳。貴賤

雷同。有以見西都之盛。又以見上國之雄。願千年兮萬歲。長若此以無窮。

水城賦有言河伯因作水城

呂公子兮誰與營。魚爲庶兮水爲城。雖處至柔之地。還深作固之情。不假人徒。構神功而日就。甯勞版築。疊素浪以雲平。帝始封之于河。爵之爲伯。旣奄有其涯涘。遂恢張于基墟。因上善以中抱。若崇墉之外隔。赤魴掉尾。非經阿利之勞。紅鯉暴腮。似困蒙恬之役。豈不以還茲森森。象彼言言。高標貝闕。洞設龍門。於以示神祇之化。於以昭麟介之尊。霞影晴臨。四面之旌旗火烈。湍聲霧急。一樓之鼙鼓雷喧。彼則險阻可依。此則靈長是託。周圍而一帶斯繞。控引而百川皆作。曉遇撤波之子。稍類登埤。夜聞鼓柝之音。終疑擊柝。莫不外羅蜃蛤。中集鼃鼃。蕩蕩而欲吞江漢。沈沈而自恃山河。似慮交侵。益廣容舳之所。如虞勅敵。長流急箭之波。乃與川后爲鄰。陽侯共守。奚蛟室之能匹。信龍宮而是偶。沙留聚沫。豈粉堞之云無。岸轉盤渦。實湯池而自有。況乎左負滄海。前臨孟津。樂毅將攻而莫可。魯連欲下以無因。測彼淺深。豈有不沈之板。司其啓閉。誰爲堅守之人。偉夫勢壓重泉。功齊百雉。咽喉苟有于九曲。襟帶詎雄乎千里。雖則都于坎。據于水。賴吾唐之聖君。四郊清矣。

聖人不貴難得之貨賦以顯爲韻

披老氏之遺文。見聖人之垂則。戒君上之所好。慮天下之爲惑。且物有藏之無用。求之難得。若其一作貴也。則廉貞之風不生。苟賤焉。一作貴庶嗜欲之原可塞。斯乃復道德之本。爲政化之端。雖聞乎無脛以至。

曾忘其拭目而觀。於以息數歎。激貪殘。皆重黃金。我則捐山而孔易。咸嘉白璧。我則抵谷以奚難。莫問環
 瑜。詎論妍不節儉之德。既著饕餮之名。何有裘因禁後。應無為狗之勞。珠自鍛來。已絕伺龍之醜。只如照
 車于魏。徒稱徑寸之貴。易地于秦。虛重連城之珍。一則受欺于強國。一則見屈于聖人。豈若端耳目。寂形
 神。視彼瓊瑰之類。齊乎瓠瓠之倫。義動貪夫。皆少私而寡欲。化移流俗。盡背偽以歸真。可使路不拾遺。人
 忘好貨。顧予有摘玉之志。俾爾無攫金之過。則以此行道。而大道復隆。以此移風。而元風再播。且夫君教
 矣。人效之。若不去其奢。而返其本。必將揭爾篋。而控爾頤。亦何必樹美珊瑚。競列華筵之翫。布求火浣。長
 充內府之資。方今闡靈符。握金鏡。若能來淮夷之琛。不以為貴。入王母之環。不以為盛。上崇朴素之道。下
 率廉隅之性。豈惟咸五而登三。可與大庭而齊聖。元本于充內府之資。下空一字。

吞刀吐火賦方士有如此之術焉

奇幻誰傳。伊人得焉。吞刀之術。斯妙。吐火之能。又元。嚙卻鋒鏑。不患乎洞胸達腋。嚙成齧赫。俄驚其飛。燄
 浮煙。原夫自天竺來時。當西京暇日。逞一作不測之神變。有非常之妙術。初呈握內。豈吹毛之銳。難合一作
 復指胸中。雖燦石之威。可出。於是叱咤神厲。哈呀一作氣資似當。旁駕肩而執不觀也。忽攘臂而人皆
 異之。俄而精鋼一作。腹烈一作。交頤。罔有剖心之患。曾無爛額之期。一作疑一作。影滅以光洗。霜鋒
 盡處。炯一作。霞舒而血噴。朱餞生時。素刃兮倏去于手。紅光兮遽騰其口。始蔑爾以虹藏。竟燿然以一作
 電走。隱乎一作。語笑迴看而釋。琫皆空。出若一作。咽喉。旁取而榆檀何有。莫不刻意斯效。焦心已舒。想剛

腸之礪乃驚燥吻以焚如。胡爲引鏡之形。稍能一作嚼。安得燎原之色。發自吹噓。亦足以道冠幻人。功一作名。傾術士。食鉞旣可以增愧。噴酒亦宜乎讓美。且夫神仙兮不常。變化兮多方。或漱水而霧合。或吐飯而蜂翔。曾未若彼用解牛。我則虛喉而挫銳。彼皆鑽燧。我則鼓舌以生光。然而一無眩惑如斯。云爲徒爾。雖誇外國之獻。本匪王庭之伎。吾謂吞詞錄者可尙。吐智燭者爲是。所以安處先生終去彼而取此。

手署三劍賜名臣賦 特查嘉號用獎賢能

漢章帝以錫賚情重。君臣道全。示署劍推恩之禮。表經邦佐命之賢。雖彼百官。分恩光之渙汗。唯茲三者。親御墨以昭宣。是知器挺臣功。名由天獎。非霜刃無以表汝之庸勳。非乾文無以重予之慶賞。所以昭沖和勸忠諫。皎函盡啟。決雲之狀盈眸。彩筆初題。垂露之文在掌。豈不以良佐斯得。深謀可嘉。或染翰而紀其敦朴。或揮毫而誌以文華。彼錫彤旅。我乃頌其秋水。彼銘鐘鼎。我乃鏤以蓮花。一則薛燭未逢。風胡不識。提攜可助於雄勇。佩服必資其挺特。能使巨闕慚價。豪曹失色。乃署龍泉之名。以表韓稜之德。一則龍藻星耀。霜鏗雪凝。麾之而氛履以欺。帶之則威儀可聆。斯亦剗鍾難媿。斬馬奚稱。乃署漢文之號。以旌邦壽之能。一則利可衛身。威能禁暴。愜項伯以將舞。宜趙王之所好。豈羨乎五色奇形。千金美號。乃署推誠之字。以彰陳寵之操。故得光生環珮。榮冠簪裾。見魚水相逢之際。是雲龍契會之初。數比夢刀。各獲君前之賜。功齊神筆。長吞天上之書。洎吾皇威被華夷。德安岐雍。鋒鏃不自其手署。願賜盡歸其公共。蓋以韓魏爲缺兮。宋爲罅。異漢朝之所用。

端午日獻尚書為壽賦誠以古書資乎聖壽

節乃端午。經惟尚書。當場帝窮奢之際。見蘇公為壽之初。五日嘉辰。欲有裨于聖德。百節奧義。敢將獻于皇居。始夫蕤賓既調。星火初正。雖為一作云祭屈之日。合有祝堯之敬。咸求玩好。冀竭盡于一作其忠勤。競薦珍奇。願延長于睿聖。唯公以邦紀將紊。皇圖漸傾。欲諷江都之幸。亦由一作思停遼水之征。由是訪注于安國。求篇于伏生。既逢採艾之時。合稱一作祈洪算。還託獻芹之禮。庶達微誠。蓋以文盡雅言。事傳上古。前王之善惡足徵。一作皆載歷代之安危可觀。然以禮無爽。一云自然於君有補。豈效辟兵之法。專用靈符。寧依續命之儀。只陳綵縷。既而對而彤丹。一作丹墀虔而進之。其為贊也。非雁非羔。非玉非帛。其為書也。非易非傳。非禮非詩。且曰臣一有有志匡主。無心徇一作順時。竊以百王之典。可為萬歲之資。願陛下察其旨。究所以一誤察所以是。禦不以一作知枕推虎魄之珍。裘有雉頭之美。誠未若典謨訓誥。閱斯而北闕長存。虞夏商周。鑒此而南山相似。所以鼓篋斯至。稱觴自殊。藉手則惟臣矣。而服膺其在君乎。願因犬馬之心。取為龜鏡。能使絲綸之筆。用作規模。且浴蘭獻物兮。古豈無捧酒祝釐兮。今亦有誰能將十三卷之雅誥。祝千萬年之洪壽。向使其乙夜能觀。豈死乎賊臣之手。

元宗幸西涼府觀燈賦春夕游幸見天師術

昔在明皇帝召葉尊師。當新歲月圓之夜。是上元燈設之時。帝謂京洛他處固難比也。師言良夜。今宵亦可觀之。于是請宸游。憑妙術。將越天宇。俄辭宣室。扶鳳輦以雲舉。揭翠華而鸞疾。不假御風之道。倏忽乘

虛。如因縮地之方。逡巡駐蹕。已覺夫關隴途盡。河湟景新。到合一作。雜繁華之地。見駢闐游看之人。千條銀燭。十里香塵。紅樓邈迤。以如畫。清夜熒煌。而似春。郡實武威。事同仙境。彩搖金像之色。光奪玉蟾之影。一游一豫。忽此地以微行。不識不知。竟何人而望幸。于時有霜一作。沾草。無雲在天。金鴨揚輝。而光散。冰荷含耀。以星連。樂異梨園。徒笙歌之滿聽。人非別館。空羅綺以盈前。既而斗轉玉繩。漏深銀箭。周迴未愜。於睿旨。歷覽尙勞。于宸眷。莫不混跡尊卑。和光貴賤。亦由鳳隱形于衆鳥。衆鳥莫知。龍匿影于羣魚。羣魚不見。俄而歸思潛軫。皇情不留。髣髴而方離邊郡。斯須而已在神州。稍異穆王。至自瑤池之會。非同漢武。來從百谷之游。一自風滅蘭缸。雲迎羽客。塵昏蕃塞之草。煙暝秦陵之栢。空令思唐德之遺民。最悲涼於此夕。

江南春賦

麗日遲遲。江南春兮春已歸。分中元之節候。爲下國之芳菲。煙霧歷以堪悲。六朝故地。景葱蘢而正媚。二月晴暉。誰謂建業氣偏。勾吳地僻。年來而和煦先徧。寒少而萌芽易坼。誠知青律。吹南北以無殊。爭奈洪流。亘東西而易一作。隔。當使蘭澤先暖。蘋洲早晴。薄霧輕籠于鍾阜。和風微扇于臺城。有地皆秀。無枝不榮。遠客堪迷。朱雀之航頭。柳色離人莫聽。烏衣之巷裏。鶯聲于時衡岳雁過。吳宮燕至。高低兮梅嶺殘白。邈迤兮楓林列翠。幾多嫩綠。猶開玉樹之庭。無限飄紅。競落金蓮之地。別有鷗嶼殘照。漁家晚煙。潮浪渡口。蘆筍沙邊。野葦蕪而繡合。山明媚以屏連。蝶影爭飛。昔日吳娃之徑。楊花亂撲。當年桃葉之船。物盛一

隅。芳連千里。鬪暄妍于兩岸。恨風霜于積水。霧霧而雲低茂苑。謝客吟多。萋萋而草夾秦淮。王孫思起。或有惜嘉節。縱良游。蘭橈錦纜以盈水。舞裊歌聲而滿樓。誰見其曉色東皋。處處農人之苦。夕陽南陌。家家蠶婦之愁。悲夫。豔逸無窮。歡娛有極。齊東昏醉之而失位。陳後主迷之而喪國。今日併爲天下春。無江南兮江北。

神女不過灌壇賦

飄風疾雨感傷仁政

有女維神。徘徊恨新。既入文王之夢。方明尙父之仁。君莅灌壇。自其來而有感。妾歸一作臨西海。將欲過以無因。豈非受命上天。稟靈下土。苟當鑒德之職。誠是福謙之主。然而出則駕疾風。鞭暴雨。雖娉婷淑態。所行皆正直之心。而倏閃陰徒。在處有晦冥之苦。今則望彼仁境。居惟太公。于國而棟梁斯喻。于民而父母攸同。謐爾封疆。無破塊之時。雨恬然草木。絕鳴條之曉風。安得暗恃威靈。長驅徒御。不惟流麥以斯恐。抑亦偃禾而是慮。舊祠已別。固難返駕于今辰。直道須遵。豈可取途于他處。是使淚臉紅失。愁蛾翠銷。駐霞車而色斂。停寶蓋以香飄。潛羨羿妻。明月先逾于清夜。卻慚巫女。輕雲已度于晴朝。誰見其迴惑蕙心。踟躕蘭質。感教化之均適。患奔驅之迅疾。花顏慘澹。非嫌勝母之時。玉趾遲留。異惡朝歌之日。王乃愍彼彷徨。詢其感傷。既非失珮于江上。亦非遺簪于路旁。入夢之姿。經三日以方過。非熊之道。歷千秋而更彰。則知執德感幽者。繫乎真。操心馨物者。由乎正。苟在神而猶懼。豈于人而不敬。若夫蝗越境而虎渡河。未可與斯而論政。

樵夫笑士不談王道賦 以題爲韻

多辯名士能文碩儒。或有不談于王道。終知取笑于樵夫。幸遭仄席之時。盡皆沈默。遂使執柯之子。因此胡盧。當其野絕遺賢。朝稱多士。九土咸歡。乎富庶。四夷俱混。于文軌。盡合讚洪猷。歌至理。而懸河健口。未開衮衮之辭。擲地清才。不述便便之美。有夫則野。其業唯樵。或怡情于礪側。或放志于山椒。乃曰。凡在吾儕。猶欣渥澤之汪濊。豈伊作者。長使聲歌之寂寥。所以向彼息肩。因茲掩口。是山中拾箭之際。正洞裏觀棋之後。猶堪撫掌。念牧豎以知無。聊用解顏。問樵人之信不。況乎德邁三代。功超百王。士非君則好爵奚取。君非士則休聲不揚。豈言泉之杜竭。抑辯囿之荒涼。側耳聽時。嫌寂寂于都下。負薪歸處。輒怡怡于路旁。蓋以浴沐昌期。優游元造。俱爲卷舌之輩。不及擊轅之老。巖然未已。殊主人之蒼賓。莞爾難持。異下士之聞道。豈謂乎力伐摧柏。聲騰夕嵐。足令墨客增愧。詞人有慚。是知運屬無偏。合著奚斯之頌。時當有截。須陳吉甫之談。方今君則唐虞。臣惟周召。稱揚者皆黃馬之辯。贊詠者盡雕龍之妙。可以流播千古。鏘洋八徼。若然。則樵採之徒歟。又何由而竊笑。

蠅螟巢蚊睫賦 天壤之間大小殊異

萬物生兮。巨細相懸。蚊之睫兮。蠅螟在焉。雖受氣以具體。亦成形而自天。取以比方。事著茂先之賦。齊其大小。理符禦寇之篇。眇矣廢蟲。生乎積壤。名爲造化之內。質類希夷之象。離婁俯視。莫得見其形容。師曠俛聽。曾未聞乎聲響。旣而游元氣。入無閒。就彼蚊而棲宛。止其睫以迴環。日往月來。願我而因依自得。晨

趨暮見。覺伊而瞬息長閒。由是拂背謀安。沿匪可賴。喜榮乎嚙膚之際。懼覆于成雷之會。仰觀厥首。謂如山嶽之崇。旁睨其肩。意似叢林之大。逼螢火兮。豈慮焚其。逢疥蠶兮。何憚居之。每保勁同于枝幹。詎知細甚于毫釐。未能鵲起。安有蟲疑。常笑鷓鴣。立彼葦苕之上。寧同元鷲。集于危幕之時。豈比夫蠕動微生。蜎飛異稟。蠅附尾以非類。虱處頭而殊品。言乎蚊也。則是睫而可知。向彼巢焉。乃斯形而因審。想夫影與塵混。身將道俱。察其生而洪纖則別。論其分而物我何殊。似茵朝生。不羨千春之壽。如蜩秋起。無慚六月之圖。悲夫。謂無至道者多。信有茲蟲者少。蓋述齊物之域。未遂忘形之表。若能效三月以齊心。必見斯蟲而不小。

耀德不觀兵賦 魏德照臨寰區濟泰

聲教斯播。戎夷自平。只在推賢而耀德。豈由命將以觀兵。垂彼衣裳。示朝廷之有序。櫜其弓矢。俾海內以惟清。皇帝以眇屬前聞。遐觀列聖。謂修文而可致其肅穆。謂立武必傷乎性命。將欲來萬國之好。去百王之病。鴻私元澤。常昭天子之仁。豹略龍韜。不授將軍之柄。故得地協三無。風清八區。混軌文以殊俗。銷劍戟于洪爐。況其德乃車也。兵由火乎。豈宜執以二三。臨于下土。安可封其十萬。擾彼邊隅。所以修之爲勤。戢之不惑。湯脩而葛伯斯服。舜舞而有苗自格。是知失德者由乎縱五兵。偃兵者在乎與七德。今則朔野烽滅。遼陽戍閒。堯心非樂乎丹浦。周馬已歸乎華山。使跛行喙息之微。咸躋壽域。見執銳被堅之役。盡復人寰。然後澤溢區中。塵消塞外。四方忘覆載之力。百姓免殺傷之害。雕題辮髮。傾心而俱喜。子來率土。普

天鼓腹而悉歇時秦。蓋由煦嫗仁廣。含宏道深。慕羲農之化洽。鄙湯武之君臨。曉月彤庭。共觀乾坤之量。秋風榆塞。不聞金革之音。斯乃帝道潛融。宸襟洞照。得允文允武之體。臻一張一弛之要。可謂超五帝而越三皇。合二儀而齊兩曜。

倒載干戈賦 聖功克彰兵器斯職

欲廓文德。先韜武功。倒干戈而是載。鑄劍戟以攸同。千里還師。迴刃于戎車之上。一朝偃伯。垂仁于王道之中。皇上以心宅八紘。威加四極。有罪必伐。無征不克。旌旗西嚮。競納款于中原。鼙鼓東臨。咸獻俘於上國。然後軫宸慮。惻皇情。萬姓苟宜于子視。三邊可俟其塵清。由是罷師旅。休甲兵。干櫓勢傾。壓雙輪而委積。戈鏃色寢。滿十乘以縱橫。蓋以戰乃危事。兵惟凶器。欲令永脫于禍機。必使先離乎死地。所以前鋒俄視。迴轅繼至。虞舜舞而曾用。比此寧同。魯陽揮以負來。于斯則異。既不授其豹略。乃長苞于虎皮。諒囊弓而若此。詎返旆以如斯。徵彼禮經。拆軸苟聞于山立。考諸易象。盈車徒見其離爲。豈慮自焚。誠同載戢。五兵從此以皆弭。七德于焉而復立。遂使頑兇之子。無日可尋。更憐忠烈之臣。徒云能執。故得殺氣潛息。嘉猷孔彰。以此懷柔。而何人不至。以此亭育。而何俗不康。罷刃銷金。遂無慚于齊帝。放牛歸馬。德寧愧于周王。大矣哉。因爾仁天。用藏兵柄。得東征西怨之體。見師出凱旋之盛。小臣伏觀乎囊韃。敢不歌揚于明聖。

握金鏡賦 聖人執持照臨寰宇

至明者莫尚乎金鏡。可類者莫先乎 一作子。聖心既施之于日用。如握此以君臨。有象必昭。含萬靈于睿聖。

無幽不燭。若百煉于宸襟。稽夫稟氣于無形。成功于至妙。苟取喻于在掌。誰有疲于屢照。外發皇明。中凝德耀。克符磨瑩之體。允叶提攜之要。故能洞達千里。高臨兆人。尋元而光彩盈手。考理而貞明在身。雖跋行喙息之微。形容無隱。信率土普天之士。肝膽俱陳。莫不深貯乾坤。大極區宇。誠非出匣以斯舉。詎離臨臺而下取。潔澈在心。深沈似古。笑飛鵲以將繞。鄙芳菱而欲吐。懿夫皎皎斯在。兢兢自持。異樞衡之是乘。見藻鑑之無私。所以辨愚智。洞華夷。豈惟分大小。別妍媸。塵垢不染。英明在茲。魑魅于焉而遠矣。茲邪無所以藏之。是知懸魏宮者難侔。挂秦臺者莫及。詎端拱而見捨。諒臨朝而盡執。孕玉燭以光動。寫珠庭而影入。蓋以持察羣品。非窺聖顏。迥出聲身之表。如存指掌之間。事異軒皇。得元珠于物外。功逾羲叔。御白日于人寰。宜乎永保清平。長稱明聖。當宣室以潔朗。逗皇圖而輝映。臣知六五帝而四三皇。實由握乎斯鏡。

黃鍾宮爲律本賦 究極中和是爲天統

玉律奚始。黃鍾實先。潛應仲冬之候。仍居大呂之前。聲既還宮。初協一有平字。八音七政。一作始數從推歷。終由一有其字。兩地參天。當其黃帝命官。太師授職。參六呂以迭用。本一陽而立則。八風自此以條暢。萬物于焉而動植。權衡有準。知累黍之無差。寒暑相生。諒循環而不極。是知召呂者律。爲君者宮。既從無而入有。可原始而要終。聲雖發外。氣本從中。或煦或吹。根初九爻而立紀。日來月往。首十二管以成功。懿夫肇啟乾坤。潛分節候。見歷數以無紊。顧萌芽而欲秀。革彼應鐘。先乎太簇。光諧韶濩。唯子野以能知。自得厚均。

匪佞倫而莫究。故得洪纖薄暢。上下無頗。騰葭灰而漸散。映緹幕以方多。初感于人。復京房之氣性。一作姓氏終昏于地。成燕谷之陽和。俾玉燭以調勻。與璇璣而錯綜。于以宣于四序。于以貞乎三統。自然功歸不宰。理叶無爲。蓋陰陽之變化。信氣序之推移。雄鳳鳴而雌相一作鳳。應盡皆類此。商爲君而徵爲事。未足方斯。爲律之本兮。旣如彼。爲天之統兮。又如此。明庭樂協。甯俟于李延年。臯上聲摶。豈慚于夏后氏。旣而榮發枯槁。春流遐邇。願一變于寒枝。獲生成兮若是。

松柏有心賦

彼木雖衆。何心可持。唯松柏其生矣。稟堅貞而有之。所以固節千歲。凝芳四時。積翠森疎。見冒雪停霜之性。攢空蕭瑟。無改柯易葉之期。懿夫外聳森稜。內扶剛直。或盤根于幽壑之畔。或挺資于高山之側。豈儕蘭桂。何慚荆棘。葉殊而可謂不同。節厚而盡云難測。相連夾路。在成城而稍伴。未可爲薪。比灰死而莫得。巍匪石而枝勁。叶懸旌而影搖。苟無懼于早落。亦何憂于後彫。聳幹山巔。且甚長于衆植。成行陵上。終不亂于驚飈。矧乎萬樹含秋。千林向晚。方見夫鶴棲之所彌茂。麋食之餘不損。天台溪畔。若有意于一作垂陰。太華峯前。豈無情于固本。旣立端操。甯驚太寒。似蓋而秦封翠斂。如愁而殷社煙攢。勢迥蒿萊。競高標于塵外。時當搖落。爭秀出于林端。豈無井上之桐。亦有園中之柳。于春色以自得。在歲寒而則否。曾未若方寸斯抱。層空可凌。蓋雖傾而莫比。蓬非直而何稱。至如嚴氣方勁。翠色猶增。亦何異君子仗誠。處難危而愈厲。志人高道。當顛沛以彌宏。是知斯木唯良。因心所貴。各固結其修幹。共青蒼于四氣。然則喻禮于

人欲舍此而何謂。

跬步千里賦審乎致遠行之在人

彼道雖遠。唯人可行。積一時之跬步。臻千里之遙程。亦如塵至微而結成山嶽。川不息而流作滄瀛。是則大自小成。遐因邇至。理苟均于積素。一作習義必資乎馴致。莫不究其攸往。明其所自。不因布武之間。那及同舟之地。終尋高躅。必可繼于飛鴻。不臨前蹤。安得齊乎。一作于赤驥是則欲追迢遞。無或踟躕。始謂與其進也。不亦遠乎。玉趾勤遷。諒金城之可越。方城漸近。甯漢水之難逾。矧夫高以下爲著。顯以微爲本。旣曳踵以將至。蓋執心而忘返。行行莫止。豈辭明月之程。去去不停。寧憚黃雲之遠。但勉行之。終能及之。苟循途而坦坦。盡履道以孜孜。如宵裂裳。自等聚糧之義。豈勞由徑。當齊命駕之期。得非務進彌專。遄征有稟。念蹒蹒以無怠。故儻儻而茲甚。自勤跋涉。邯鄲之學全殊。不暇因循。燕宋之遙可審。然而志勿休者。雖難必易。行不止者。雖遠必臻。亦由積水爲壑。冰之始。層臺實累木。一作土之因。大道能遵。終及奔馳之子。中途儻廢。誠慚跛躄之人。別有跼蹐負耒。一作來躑躅斯在。將欲拔跡霄漢。超蹤寰海。或能開道路。解紮維。則千里之途可待。

牛羊勿踐行葦賦皇化所加德同周道

育物恩廣。垂衣道豐。流德澤于行葦。示人心于牧僮。且曰驅爾牛羊。勿近萋萋之道。恐其蹄角。踐傷泥泥之叢。斯乃家國攸用。華夷所同。俾遂生榮之性。仍登忠厚之風。是以發自睿情。指乎幽渚。伊方苞方體之

地匪或寢或說之所。未逢至化。其生有類于蒿萊。今被仁風。所貴不殊於稷黍。懿夫拂水沙際。搖烟路旁。安可縱三轆而蹂躪。放千足以跳踉。莫不欽聖教。感吾皇。戒彼畜之奔逸。免斯條之折傷。由是綠野分驅。蒼葭共保。但踟桃林之坂。自斲金華之草。春風澤畔。如生遂字之心。落日山邊。盡認下來之道。況乎挺本方茂。爲航可嘉。蠶靡而爭芳。荇葉參差而競秀。蘭芽若使大武斯履。柔毛所加。則八月洲前。無復凝霜之葉。三秋江上。難逢似雪之花。是以咸仰嘉猷。式遵元德。牧者旣以承其教。虞人得以脩其職。故能隔瑩蹄于平野。莫往莫來。限墳首于荒郊。自南自北。然後澤靡不治。恩無不周。國有殷充之實。家無罄匱之憂。網不入于汚池。斯言莫偶。斧以時于林藪。厥義難侔。偉夫至理彌彰。前經可駕。遠符大雅之什。允協文王之化。因知皇王之教。所愛不唯禾稼。

多稼如雲賦 徧野連山如雲委積

暇日閒望。秋田遠分。彼盈疇之多稼。乃極目以如雲。墾隴畝以青連。乍疑散漫。疊菑奮而綠合。長帶氤氳。豈不以膏澤調勻。薰風順適。致南畝以豐稔。若西郊之重積。芒旣抽而散紫。花已飛而帶白。幾多嘉穗。高低稍類于垂天。無限芳田。遠近有同于抱石。旁觀夫曼衍平川。綿延大田。接層阜而如從軸出。極低空而若與天連。農夫旣愜于望歲。野老咸欣其有年。滿原隰以蒼蒼。遙迷曉霧。被滯陸而颺颺。常混晴煙。有地皆勻。無川不徧。何秋成之色可羨。疑暮斂之容斯見。似能扶日。帝堯之日上臨。如欲隨風。后稷之風傍扇。故得村落心泰。田家景閒。競秀發于郊坰之外。同垂陰于疆理之間。生因桀溺之耕。寧由觸石。起自樊遲。

之學。豈冝思山。匝高下以鮮若。霧東西而波委。苟含穎以斯在。諒無心而若此。不稂不莠。同玉葉以紛敷。彌阜彌岡。異奇峯之邈迤。是知黍翼翼以相雜。麥芃芃而不如。誠匪揠苗之後。猶疑荷鍤之初。若味躬親。奚百畝以斯盛。將其刈穫。獲千箱而有餘。且君之寶以穀而爲。人之寶唯食是假。觀稼盛于五地。若雲凝乎四野。若不屬此以歌謠。終慮取嗤于樵者。

馬惜錦鞞泥賦

因立路旁愁濡美飾

王武子所馭之駒。鞞泥特殊。念美錦以斯製。對深泉而不逾。拂玉鐙以雙垂。常憐煥爛。突金鷄而屢顧。豈忍沾濡。始夫駿骨是求。奇蹤斯得。將以絳革之盛。遂備連乾之飾。莫不價重千金。絲分五色。初傾豪貴。矜誇之意則多。誰謂驂駟。顧惜之心亦極。觀其萋菲煒煌。霞舒翼張。隱映桃花之色。鮮明紫貝之章。況乎還鄉曾衣。照地出光。得不春苑閒游。愁露溼于花下。長衢載驟。恐塵侵于道旁。若夫噴玉柳堤。揚鑣蘭路。通步障以齊美。映流蘇而掩燭。瞻前顧後。雖無還淖之虞。時止時行。似有漸車之懼。一旦滉漾。將涉權奇。少留誠淺深之未測。眄侍從以如愁。頻頓紅纓。雖造父而寧知所以。潛憂綠地。縱孫陽而莫究其由。武子于是探彼柔心。察其深旨。善知驥馭之欲。必爲蒲桃之美。令左右以解之。果騰驥而濟矣。然復被其身。傍迷繡輪。夾汗溝而綺麗。排鬣尾以花新。向若輕華。煥渡齋淪。則王氏樞中。空有代勞之用。晉朝書上。全無稱德之因。懿夫特稟超奇。非由服習。苟嘶風之信斯惠。豈戀主之名空立。若論彼滋侈。則錦鞞非所急。

盛德日新賦

脩乃無已幾舜何遠

皇德彌盛。宸心未休。雖昭昭而光啟。猶日日以勤修。常懷姑務之情。漸宏帝道。轉見增光之美。益闡王猷。豈非潛契無爲。思齊不宰。誠蕩蕩之可及。故汲汲而罔怠。所以宅八極。家四海。實憲文之道長。信鑒武之功倍。惕如御朽。化行克協于明哉。愛若納隍。令出必資乎慎。乃是故將致丕洽。克勤誕敷。亭育旁覃于九有。英明上合于三無。每儼形容。建前王之標表。未嘗晷刻。廢哲后之規模。懷德兮如斯。好生兮何已。承昌運兮。咸稱鼎盛。在聖躬兮。寧唯玉比。旋立後圖。亟更前軌。蓋垂法于列辟。非取規於君子。由是祚旣超漢。仁惟纂堯。式孚已及于千品。克懋匪由乎一朝。振三代之風。咸知允叶。紹百王之業。是謂光昭。自可國肥。詎徒身潤。焦思無慚于夏禹。殫行遠符乎一作虞舜。遂使卿雲瑞露。皆感之以呈祥。鑿齒雕題。具懷之而納寶。況乎混文軌。倒干戈。惟馨之義斯在。旣飽之人若何。播以樂章。八音而盡善。盡美。導乎邦政。萬物而無偏。無頗。大矣哉。垂拱端居。風行草偃。全臻教化之要。漸積邦家之本。臣知合天地。而日新又新。豈致君之云遠。

補遺

沛父老留漢高祖賦

以願止前驅得申深意爲韻
見文苑英華五十九卷

漢祖還鄉兮。鑾駕將還。沛中父老兮。留戀潸然。憶故舊於干戈之後。紱綢繆於旌旂之前。白髮多傷。鳳輦願停於此日。翠華一去。皇恩再返於何年。昔以羣盜并興。我皇斯起。英明天授其昌運。神武日聞於舊里。今則秦楚勢傾。鼓鼙聲止。聖代而陽和煦物。元首明哉。暮年而蒲柳傷秋。老夫耄矣。然而黃屋才降。丹誠

未申。豈可風馳天仗。雷動車輪。一則以情深閭里。一則以義重君臣。隆準龍顏。昔是故鄉之子。捧觴獻壽。今爲率土之人。乃曰陛下創業定傾。順天立極。臣等犬馬難効。星霜屢逼。窺泗水則淒若舊風。指芒碭則依然故色。眷戀難盡。沉爛易得。昔日望雲之瑞。豈有明言。當時貰酒之家。堪驚默識。帝乃駐天步。遂人心。戈矛山立。貔虎煙深。草澤初興。雲路而蛟龍奮翼。鄉園重到。煙空而鸞鶴歸林。時也親友咸臻。少年并至。縱兆民如子。恩更洽於故人。雖四海爲家。情頗深於舊意。官韻一本作地非往事如覩。流光若驅。望幸誠異。攀轅則殊。交遊旣阻於秦時。堪悲今昔。黎庶正忻于堯日。自恨桑榆已而。雙淚盡垂。一言斯獻。請沛爲湯沐之邑。實臣愜生死之願。是使萬歲千秋。杳冥無恨。

附錄

送王縠序

見唐文粹九十八卷

陳 壽

黯去歲自褒中還。輦下輔文出新試相示。其間有江南春賦篇。末云。今日併爲天下春。無江南兮江北。某卽賀其登選於時矣。何者。以輔文家於江南。其詞意有是。句非前睽耶。今春果擢上第。夏六月。告歸省于閩。命序送行。某辭以未第。言不爲時重。輔文曰。吾所知者。惟道與義。豈以已第未第爲重輕哉。愚繇是不得讓。麟羣之衆也。必聖其龍。羽族之多也。必瑞其鳳。鳳非四翼。龍非二首。所以異鱗羽者。惟其稀出耳。鬻使日百時千。盈川溢陸。則虵虺鳩雀。無非龍鳳矣。其誰曰聖且瑞哉。進士科由漢迄唐。爲擢賢之首也。寰瀛之大。億兆之衆。歲貢其籍者。數纒于千。有司升其名者。復止于三十。其不爲貴而且稀乎。輔文早歲業

儒而深於詞賦。其體物諷調。與相如揚雄之流異代而同工也。故角於文陣而聲光振起。今之中選是榮其歸。想寧慶之晨。爲鄉里改觀。孰不謂人之龍鳳乎。懿哉輔文。是行也足以自重。

附錄

省題詩

宋紹興乙卯八代孫翬任著作郎于館閣校讎見先耶中省題詩錄附之

天驥呈才

馬知因聖出才本自天生。駟駿何煩隱。權奇願盡呈。電從雙眼落。雲向四蹄輕。過去王良喜。嘶來伯樂驚。絕塵慚逸步。曳練議能名。唯待金鞭下。春風紫陌情。

上德不德

何從稱上德。捨德德方全。聖者如非聖。賢人不自賢。海甯言我廣。神豈謂予元。伐善功難立。無爲化易宣。道惟聞遠古。理亦愧先天。欲述猶龍旨。應忘得意筌。

農祥晨正

玉律方移候。農祥已向晨。昭回當午地。皎潔向天津。北陸收殘凍。東臯見早春。影浮佳氣動。光射曙雲新。千畝功將起。三推禮欲申。若非齊七政。何以示農人。

詠白

非青元赤黃。正色配金方。魚表周王德。麟呈漢帝祥。寒來邊草遠。春至嶺梅芳。曳練聞良馬。銜鉤見瑞狼。張蒼肥似瓠。潘岳鬢如霜。虛室能生後。方知守黑長。

詠菊

秋來多野菊。節應有黃花。開葉玉如粟。滿蘂金出沙。池邊迷瑞鶴。洞裏悟仙牙。葉散非紅豔。香飄異綺葩。贈詩宜魏帝。泛酒稱陶家。明日登高處。期君手不賒。

詠清

潔澈浮天色。鏘洋入樂聲。露零金掌滿。冰結玉壺盈。屏障排雲母。簾櫳動水精。南山秋雨霽。北牖晚風生。裴楷當年意。胡威近日名。未如堯舜化。寰宇一時清。

月前菊

秋菊近重陽。原頭復道旁。蕞滋寒露綠。花綻晚風黃。蘂染枝枝豔。星分處處芳。乍疑金散野。遙誤葉經霜。籬下何人採。樽中滿座香。唯應未歸客。對此欲沾裳。

上巳日曲江錫宴羣臣

池散暮春景。君垂晞露恩。妙音迴舜樂。濃味降堯樽。詔出傾闈省。筵開對杏園。輕漣搖彩艦。芳草映華軒。禊事輝朝曲。歡聲徹帝門。常陪觀者列。低首望餘暄。

旬服耆舊望藉千畝

不展三推禮。如今已幾年。郊畿春又至。父老頸空延。扶杖溝塍側。傾心日月邊。望恩情倍百。流目地方千。未覩公卿從。長愁犬馬先。幸同黃耆意。因此願聞天。

曉日禁林聞清漏

曉過宮垣側。猶聞漏水頻。清音傳五夜。山影值三春。露碎金壺滴。風和玉佩振。依稀連鳳沼。髣髴辨雞人。溫樹初凝霧。彤闈漸向晨。若非鴛鴦伴。誰此繼香塵。

未明求衣

夙夜甯無準。憂勤事萬機。良宵猶未曙。深殿早求衣。長樂鐘纔動。華胥夢已歸。絲綸傳紫禁。黼黻進彤闈。被處燭仍在。垂時星始稀。恭惟漢文帝。因此致巍巍。

寒雨滴空階

霏霏飄永夜。滴滴落空階。自有路岐恨。那堪離別懷。簷前聲乍碎。枕畔夢全乖。遠與巖泉雜。微將漏水諧。天涯思舊友。江上憶閒齋。坐到空庭曉。殘雲帶石崖。

山明松雪

高樹當軒曉。長松帶雪明。景疑殘月在。林似野雲橫。密葉緣多亞。脩條被壓傾。曙空連嶂白。寒氣到簷清。影雜青牛重。光迷皓鶴驚。披衣凝望久。無限剡溪情。

元日端門肆赦

史官開聖歷。天子御層樓。壽域南山色。恩波東海流。繞欄生杞梓。當檻簇貔貅。日月祥光近。山河喜氣浮。兆人瞻鳳戾。萬里御皇猷。欲識春生處。雞竿最上頭。

原隰萋綠柳

晴郊浮淑氣。疎柳發柔萋。嫩翠原頭徧。輕絲隰畔低。和煙方鬱鬱。伴草欲萋萋。葉少眉難短。條新帶未齊。離人心已醉。游客步初迷。無限離喬意。芳菲正好棲。

風中琴

虛簷來曉吹。橫榻有瑤琴。暗報青蘋葉。潛生綠綺音。數聲隨籟去。餘響入堂深。徽假大王按。弦因少女吟。如箏飄閣上。似瑟鼓江濤。若與鍾期會。還知天地心。

文不加點

娛賓初命賦。擢翰已堪誇。思發才無滯。文成點不加。筆端舒錦繡。手下走龍蛇。罷益銀鈎勢。休添麗澤華。誤蠅甯復見。倚馬未爲嘉。自愧當明試。含毫到日斜。

曲江春望

暇日來南陌。春晴望曲江。地方駢綺席。城過拂霓幢。寶塔搖鈴鐸。雲樓闢瓊窗。落風花片片。掠水燕雙雙。游女紅銀鞵。王孫白玉缸。莫論仙禁裏。祇此見雄邦。

邊城曉角

十年拋故國。五夜在邊城。月照沙千里。風吹角一聲。清音飄遠戍。殘韻落荒營。背雪征鴻報。眠霜老鶴驚。李陵應下淚。蔡琰豈勝情。直是吳兒聽。鄉關夢不成。

三峽聞猿

扁舟登楚峽。孤櫂下巫雲。正值三聲斷。仍教五夜聞。淒淒流洞壑。杳杳透煙氛。澗瀨秋歸盡。陽臺曙欲分。何人悲失計。幾度恨離羣。聽後盈巾淚。家山接海濱。

寒梧棲鳳

本向高岡植。寧將衆木齊。雖隨楊柳落。長待鳳凰棲。井上枝微亞。窗前影乍低。九苞和月立。六律帶霜飛。秦女含吹管。周王罷翳珪。既同丹穴樹。那有宿羣雞。

附錄嘉慶十五年福建福鼎王氏麟後山房刻南越先賢集內

唐王郎中麟角集附省題詩原本 前序 後跋

序

唐水部郎中福唐王璩字輔文一作輔之咸通二年及第復中宏詞科事蹟詳黃璞閩川名士傳及何喬遠閩書郎中初擢上第其夏告歸省泉州陳黯作序送之見唐文粹璞言郎中十九年三捷其盛美蓋七國未之有黯言輔文早歲業儒而深於詞賦其體物諷調與相如楊雄之流異代而同工聲光振起譬諸人之龍鳳皆傾倒甚至黃巢之亂歸終鄉里又無魏明哲己近嘉善浦銑編歷代賦話於唐盛推郎中其復小齋賦話數舉郎中賦十餘處爲世軌則以四十一首析爲四卷盡加箋注斯亦郎中百世下之知音歟案唐書藝文志無麟角集宋史藝文志王璩詩一卷不言賦本朝四庫全書總目稱原本凡賦四十二篇其八代孫頴補探省題詩二十一首附於後浙江鮑氏復刻之知不足齋叢書余鄉人福鼎王選春頃重鐫治南五先生集郎中其一所據舊本目錄實賦四十五首然郎中有沛父老留漢高祖賦載文苑英華五十九卷流沫人口而此集尙闕蓋文苑英華題下撰人璩譌爲啟猶唐志於本事詩書孟榮作啟後人編輯此集遂失收拾耳嘉慶十有七年春適余同歲生德清許周生駕部以家藏麟角集郎中遺像櫬寄因傳語王君亟并前賦及陳黯序補鐫之余嘗考余鄉唐人遺集唐志有歐陽袞集二卷陳陶文錄十卷鄭誠集黃璞霧居子十卷陳黯集三卷陳詔集十卷黃滔集十五卷泉山秀句集三十卷鄭良士白巖詩集十卷王虬集十卷宋志有黃滔編略十卷陳陶詩十卷徐寅別集五卷黃璞集五卷林藻集一卷林嵩賦一卷直齋書錄解題有林藻林藻集各一卷李俊甫莆陽比事有陳蟠文集二十卷徐煥與公藏書目有陳去疾集一卷陳通方一卷林滋一卷歐陽玘一卷劉后邨文集云徐正字有溫陵集十卷雅道機要一卷律賦及探龍集各五卷詩八卷閩書云薛令之有明月先生集鄭良士有詩集中蟲集王肱有無題古詩百三十首沈崧有集二十卷今其書或亡或佚存者百不二三古人有言文章經國之大業不朽之盛事乃易世以後汗青湮敝墨煙銷滅豈若斯吁可惜也洪惟我國家揆文稽古網羅闕遺故歐陽行周王輔文徐正字黃御史諸集賴以著錄四庫儲之天祿石渠延閣廣內其他散佚往往復存於欽定全唐詩歷朝賦纂今上繩武紹聞特令詞臣搜編皇清文獻因就館纂次全唐之文以充章鴻藻囊括漏網海內之士聞風興起俾已墜之緒再紉將熄之燎重炳所以張先詩燿令名酌前

修之筆海，贊文明之治樞。雖銷陋如壽祺，猶幸獲挂名於鄉賢文字之末也。茲事雖小，焉可以勿書。舊史氏眉州陳壽祺謹跋。

士君子讀書談道，無不思立言以垂不朽，而卒數傳後，長存不泯者，千止百焉，再數傳後，長存不泯者，百又止十焉。何哉？學有所專，精才有所專注也。故漢以對策取士，士生其時，家操觚，戶挾簡，上售天子，下示楷模，而長存不泯者，惟賈董二大儒。唐以詞章取士，士生其時，駢四駢六，爭抽秘思，各聘妍詞，而長存不泯者，又惟我水部王先生。先生名棨，字輔之，福清人。唐咸通二年進士，唐書無傳，得隱居子閩川名士傳以傳，但傳云：先生不幸當黃巢竊據，不知所之，或云歸終於鄉里。學貞憶曾過先生啟福院界北址，有墓存焉，則為歸終鄉里無疑也。集舊題曰麟角計賦四十五篇，後八代孫著作耶頊，又於宋紹興乙卯在館閣校勘得香題詩二十一首附焉。相沿既久，字畫多訛。國朝鮑氏知不足齋所刻，尙多脫佚。學貞乃借最舊本於友人處，詳為覆視，中如絳珠為燭賦，暮以烟絲上補逼蓮二字，瑤瑤窗賦，語其巧上補若字，手畧三劍賜名臣賦，龍溪下補星字，霜凝上補鏘字，松柏有心賦，外雙下補森枝內扶剛五字，高山之側下補豈儕蘭三字，跬步千里賦，方城漸下補近甯漢三字，上德不德詩，唯聞選古上補道字，咏菊詩，節應下補有字，香飄異下補綺字，句服香舊望藉千畝詩，情倍百上補望恩二字，邊城曉角詩，眠霜下補老鷓鴣三字，直是吳兒聽下缺一句，今補鄉關夢不成五字，實多校正，謹當刻後，附錄簡餘。時庚午仲秋望日，福鼎王學貞拜跋。



王雲五主編
選集初編

麟 角 集
附 錄

中華民國二十五年十二月初版

著 者 王 榮

發行人 王 雲 五
上海河南路

印刷所 商 務 印 書 館
上海河南路

發行所 商 務 印 書 館
上海及各埠

領

六二九六上

五



33
14
:1860